

Fouxculongz Bouxcuengh

□ Dangz Yuzngingh cingjeix



▲ Vunz Bouxcuengh yienj foux-cuklongz.



▲ Fouxculongz Bouxcuengh baenz aen vwnzyi cezmuz daeuz dangdieg.



▲ Vunz Bouxcuengh Dunghlanz cingq diuq fouxculongz.



▲ Aeu gyauejfaex doxroq singyiengj ndeidingq.



▲ Fouxculongz Bouxcuengh miz daegsaek minzcuz noengzna.



▲ Roq gyong roq laz diuq fouxculongz Bouxcuengh.



▲ Ning daengx doengzcaez.



▲ Fouxculongz Boux-cuengh "diuq" daengz Baekging.



▲ Fouxculongz Boux-cuengh bienq yiengh lai.

Baez fouxculongz caezcienz ndeu gingciengz miz 8 mbaek, baenzlawz roq (roq rouz(vaiq) roq numq(menh)) caeuq seizlawz dingz, cungj youz bouxvix bak hemq aeu, mizseiz lij boiq miz gyongnaeng、gyongluengz roxnaeuz aenlaz buenx roq, foux diuq ndaej youh haenq youh rengz, vunz diuq sim angq, miz daegsaek minzcuz noengzna lai.

Fouxculongz Bouxcuengh seiz-lawz hainduj, seizlawz cauh'ok, seiz-lawz baenz ndei, neix cungj mbouj miz saw geiq ndaej cingcuq caezcienz. Ciuq vunz cienzgangj, youq mboengq hainduj ne mbangj dwg vunz lai aeu cienz siusik hoenxcienq le couh cauh'ok. Seizdaih bienq le, cungj foux neix bienqbaenz vunz lai ndaw-bienq gag guh gag angq, caez hoh dajndaem ndaej lai le hozvan simdiemz. Ndigah, baez daengz gvaq cieng gvaq ciet, hwnj ranzmoq, hauej ranzmoq、couxawx haqlwg、dingh-caen daengj, gyoengq vunz dangdieg cungj gyaex diuq fouxculongz, caemhseiz lij miz vunz eu fwen, roq gyong roq laz daengj guhbuex, ciengzmienh haenq yuk (nauhyied).

20 sigij 90 nienzdaih doxdaeuj, fouxculongz ndaej ok mbanj ok lueg ok rungh bae. Bi 1992, fouxculongz

camgya Dunghlanz Yen daih'it baez "gyongluengz fwenbiengz yienjok", caemhcai youq neix doxdaeuj lai baez camgya gak cungj vwnzva yisuz hozdung youz ndaw si、ndaw yienh gawjbanh haenx, neix ndaej vunz lai haenhndei.

Bi 2007, fouxculongz Boux-cuengh ginggvaq Gvangsijh Boux-cuengh Swcigih Yinzminz Cwngfuj baecinj, ndaej senj hauej daih'it buek swcigih gaep feihvuzciz vwnzva yizcanj mingzloeg.

Bi 2016, Swcigih Vwnzva Dingh goenghai daihahj buek swcigih gaep feihvuzciz vwnzva yizcanj hanghmoeg bouxswncienz daibyausjng gungh 160 boux, Dunghlanz Yen Yaz Cauz-gvangj dwg bouxswncienz foux-cuklongz Bouxcuengh ndaej lied hauej ndawde bae. Neix dauqlaeng ne Yaz Cauzgvangj dwg bouxak bouxrengz henhoq caeuq swncienz fouxculongz Bouxcuengh. Daengz dangqna, de gungh son'gyauq ndei 80 lai boux lwgsae, neix hawj fouxculongz ndaej swncienz caeuq hwngfat lai ndei dahraix.

Ciuq cam rox, moix boux-swncienz feihyiz swcigih gaep haenx moix bi ndaej cienzngaenz swncienz 4000 lai maenz.



▲ Haujlai vunz caez diuq fouxculongz.